



UNIVERSITÄTS-
BIBLIOTHEK
PADERBORN

Duo Tractatus

Moneta, Giampietro

Marburg, 1628

Flaminio Plato S. R. E. Presbytero, Cardinali amplissimo, Alexander Moneta
foelicitem.

[urn:nbn:de:hbz:466:1-63048](https://nbn-resolving.org/urn:nbn:de:hbz:466:1-63048)



FLAMINIO PLATO

S. R. E. PRESBYTERO,
Cardinali amplissimo,

ALEXANDER MONETA
faelicitem.



R A C T A T I O N E S h a s c e , a l t e r a m
de Optione, quam nonnulli Cano-
nicam meritò appellarunt, alteram
de Decimis, tum quæ sacerdotibus,
Ecclesiisve debentur, tum quæ pu-
blicæ alicujus utilitatis causa à sum-
mo nonnunquam Antistite exiguntur, subcisivis
horis quatuor ferè illorum mensium spatio à me
conscriptas, quibus Mediolanensis Ecclesiæ cymba
ita procellarum vi exagitabatur, ut non periclitari
modò, sed penè mergi videretur, ut in lucem ede-
rem, & in omnium conspectum atq; oculos prodi-
re paterer, Cardinalis amplissime, duo potissimùm
effecerunt. Ut enim omittam communem illam
gloriæ cupiditatem, quam hausisse à natura ipsa, &
cum nutricis lacte ita suxisse videmur, ut & qui de
contemnenda gloria scribunt, dum nomen suum
inscribunt, in eo ipso, in quo prædicationem nomi-
nis despiciunt, prædicari de se, ac nominari velint;
quoniam non modò hujusce fluxæ gloriæ, caducæq;
laudis cupiditatem vix jam Christiano quisque ho-
mine dignam judicabit, nedum eo, quem sacris ini-
tatum, divinòq; obsequio & cultui præcipua qua-
dam

recta
egri-
quo
rva-
ona,
uspi-
bra-
rice
com-
pro-
rell/
edico,
jam
tecre-
nulla
ssimi
lo ac-
inter
relin-
ma-
à, ro-
m &
lartii.
ens
pogr.
LA-

P R A E F A T I O.

dam ratione mancipatū, unam quoq; Dei gloriam spectare sectariq; decet, verū etiam ex his, quæ à me conscripta & jam consignata monumentis se utique produnt, laudem referre me posse confido: Id inquam ut omittam; ad hæc ipsa, quæ scripsi, emittenda, quamvis reluctantem, & communis me hominum adduxit utilitas, quam quærere quisque summoperè debet, ex meoq; maximo labore metiens non exiguam fore sperabam; & eorum impulit hortatus, qui, cum summæ integritatis & doctrinæ, atque adeò authoritatis apud me essent, tum ejusdem communis utilitatis amatores, tum etiam non tam meæ, quam divinæ se laudis cupidos ostēdebant. Jam verò ea lætor me cura levatum, qua illi premuntur, qui sua ingenii edentes monumenta aliorum illa nomini nuncupare volunt; in eo enim plurimum elaborant, ut egregium aliquem, clarissimūq; virum seligant, cui ea dicata in lucem prodeant, quàm plurimis simul, unòque se adspectu objicientibus, quibus tanquam bene meritis de se viris oblato ingenii vigiliarūque fructu aliquam grati animi præbeant significationem; plurimis etiam, quorum ab inscripto tanquam Principum, amplissimorumque virorum nomine scriptis & monumentis præsidii plurimum ac splendoris accedat. Plurimis demum, quos ejus rei studium capiat, quo ex genere ea disputatio sit, quam cupiunt inscribere, ut res, quæ datur, cum eo, cui datur, & cum re data persona ipsa conveniat. Hæc enim singula, quæ iis proposita esse solent, qui aliquid nuncupant, nostram in causam admirabili quadam conspiratione

tione confluere, & quasi coire videntur; in eamq;
 personam, quæ, ut una mihi occurrit, ita læto potius
 animo excipienda fuit, quàm magno studio deli-
 genda, conveniunt universa. Etenim, ut hæc omnia
 uno verbo complectar, primi hi Jurisprudentiæ
 meæ fructus eximio illi ac Principi viro consecran-
 tur, quem non modò hujusmodi facultati maximè
 deditum, sed de ea etiam optimè meritum, cæteræ
 quoque præstantissimæ ac singulæ virtutes ad
 amplissimam Cardinalatus dignitatem evexerunt,
 atque in Purpuratorum Patrum Collegio, tanquã
 in cœlo clarissimum sydus collocarunt, munificen-
 tissimo illi viro dicantur, à quo privatim beneficia
 non pauca exiguave agnosco; quæ verò simul ha-
 beo non cum patria solùm, Mediolanensique Ec-
 clesia, sed cum Christiana quoque Rep. universa,
 pro cujus tu salute dies noctesq; procuranda, tuen-
 da authoritate nullis laboribus, nullis vigiliis parcis,
 ejusmodi sunt, ut omnem tum referendæ, tum et-
 iam prædicandæ gratiæ eripiant facultatem. Et ne
 illud prætermittam, quod summæ loco fœlicitatis
 pono, & commemorare mihi quidem jucundissi-
 mum est, tibi verò haud prorsus invisum fore puto,
 arctiori necessitudinis vinculo mihi cõjuncto Præ-
 suli isthæc inscribuntur, quodq; ejusmodi conjun-
 ctio postulare videtur, naturalis cujusdam benevo-
 lentiæ atque charitatis ergò tribuuntur, quasiq; do-
 nantur. Dabit igitur se libellus in medium nullis
 non ornamentis insignis, quia tibi inscriptus, FLA-
 MINI Cardinalis amplissime, nihil sibi ab adver-
 sariis pertimescens, quem nullis licet ab authore

P R Æ F A T I O .

firmatum præsidii tui nominis pondus roborat, dignitas confirmat, munit authoritas: dabit se inquam, in medium, quantumq; à te beneficium habeat, cunctis indicabit. Quòd si illud consequar, ut hoc qualecunque munus (exiguum fateor, aliquod tamen meæ in te voluntatis & studii argumentum,) gratum tibi accidisse intelligam, & maxima eidem beneficio accessio fiet, & hoc uno contentus nullam aliam à te quæram mercedem laboris, excitaborq; fortasse ad alia majora, quæ, cum prodibunt, non, ut hæc, leviter adumbratam, tenuiq; quasi penicillo designatam, sed expressam omnino mei in te studii & observantiæ significationem cunctis gentibus dabunt. Vale, Mediolani, Idibus April. M. D. XCIX.

INDEX